

四庫全書

史部

欽定四庫全書

欽定國子監志卷十一

祀位

臣等謹案國學自唐開元中廟祀

孔子冊贈王爵始正南面之位用宮懸之樂被袞冕之服較之晉備三牲四時致祭宋齊崇奉秩比上公典綦重矣逮宋迄明並用王者之禮嘉靖中始改廟像為木主易王爵稱

先師

國朝因之尊崇之典斟酌修明益臻美備至於歷代賢儒祔饗時進時退或增或減迄無定議我世宗憲皇帝特封

先師五代並為王爵又

命廷臣詳考賢儒行事罷者復之缺者增之

皇上釐正位次復吳澄之從祀升有子於哲位誠萬

年不易之隆規已謹志

聖位一卷配饗從祀一卷為祀位門而以元明來
尊奉之典暨諸賢儒進退沿革各附卷末云

祀位一

聖位

先師廟大成殿中奉

至聖先師孔子神位南嚮木主高二尺五寸五分
廣六寸五分厚一寸朱地金書小座高四寸五
分大座高一尺四寸五分龕二重內龕連座高

九尺四寸廣六尺深三尺七寸外龕高一丈七尺四寸廣一丈五尺六寸深八尺一寸均安黃琉璃大座上座高三尺廣一丈七尺二寸深九尺七寸

謹案
先聖神位

國初監明舊制用木主稱
至聖先師孔子

世祖章皇帝順治二年國子祭酒李若琳言聖人贊乾坤曰大哉乾元至哉坤元曰大成曰至聖洵非孔子之德配乾坤者莫能當之今稱至聖而遺大成乾坤之義未備又謚法經天緯地

曰文聖善周閔曰宣洵非德兼君師莫能當之
今稱

先師而遺謚號如英君諡辟止曰某君某王而去
聖仲文武之謚可乎惟稱

大成至聖文宣先師庶至德隆名倍為闡揚禮拜
給事中龔鼎孳是若琳言下諸臣議行加

孔子謚號為大成至聖文宣先師十四年
給事中張文光又言聖至

孔子贊美難以形容曰
至聖則無所不該曰

先師則名正而實稱順治初年仍元舊謚而不稱
王竊意追王固屬誣聖即加大成文宣四字亦

不足以盡
孔子宜改主為

至聖先師孔子
語從之通行直省學宮遂為定制節奉

諭旨 俱恭載
聖諭門

崇聖祠中奉

肇聖王木金父

裕聖王祈父

詒聖王防叔

昌聖王伯夏

啓聖王叔梁紇神位皆南嚮木圭高一尺七寸寬

四寸五分厚五分赤地金書正位五龕中獨座

左右兩龕合座龕高七尺廣六尺一寸深三尺
七寸木座高二尺三寸五分廣七尺二寸深四
尺八寸石座高二尺六寸五分中座廣八尺五
寸東西連座廣一丈四尺四寸深五尺九寸

謹案明嘉靖中張璠始請於
大成殿後別立

啟聖祠祀
聖父叔梁公

國朝

世宗憲皇帝雍正元年

命諸

臣議封

孔子先世五代廷臣以應封公爵議上

詔諸臣復議由是定封
木金父公為肇聖王

祈父公為裕聖王
防叔公為詒聖王

伯夏公為昌聖王
叔梁公為啓聖王
合祀五代更名

啓聖祠為
崇聖祠詳見

聖諭門

聖位
附

元

大德十一年秋七月辛巳加封

至聖文宣王為

大成至聖文宣王

元史武宗紀

謹案漢平帝元始元年始追謚孔子曰褒成宣尼公魏太和十六年改謚

文聖尼父北周大象二年封鄒國公唐乾封元年贈太師天授三年封隆道公神龍元年謚曰

文宣開元二十七年封文宣王宋大中祥符元年加謚

元聖文宣王五年改謚至聖文宣王至元武宗始加

大成之稱考是時武宗即位尚未改元祭祀志作至大元年七月者非今從元史本紀載入

至順元年秋閏七月戊申加封

孔子父齊國公為啟聖王母魯國太夫人為啟

聖王夫人

元史文
宗紀

謹案宋大中祥符中追封
聖父為齊國公

聖母為魯國太夫人至是始晉王爵從孔思晦請
也

至順三年春正月壬午封

孔子妻鄆國夫人為大成至聖文宣王夫人

全上

明

正統十二年巡按直隸御史李奎請加封

孔子不允

南雍志

成化十二年壯監祭酒周洪謨請加

孔子帝號改大成至聖為神聖廣運不允

全上

嘉靖九年冬十一月大學士張璁言

孔子宜稱先聖先師不稱王編修徐階力言不可

帝怒謫其官乃自製正

孔子祀典說大畧謂

孔子以魯僭王為非寧肯自僭復為正

孔子祀典申記璉因作正

孔子廟祀典或問奏之帝令集議御史黎貫是階
言亦褫職給事中王汝梅等極言不宜去號帝
皆斥為謬論于是諸臣皆言人以聖人為至聖
人以

孔子為至宋真宗稱為

至聖其意已備乃更正

孔子謚號曰

至聖先師孔子

明史世宗紀

孔子

謹案弘治中翰林院檢討劉端言

取譬之詞所謂文宣者齊主高洋之謚不可擬

盛德宜節去大成

文宣四字別定尊榮美謚下

有司議

久不決至是帝用璵言

先師謚號始定

嘉靖九年遵南京國子監制改製

至聖先師木主高二尺三寸七分廣四寸厚七分

座高四寸長七寸厚三寸四分朱地金書題曰

至聖先師孔子去王號及大成文宣之稱

明史禮志

謹案洪武四年宋濂上孔子廟堂議云古者造木主以棲神無設像之事

開元禮設

先聖神座于堂上西楹間設先師神座于東北席皆以莞則猶掃地而祭也今因開元八年之制博土肖像失神明之義矣議上不報至十五年始改國子監廟像為木主而天下學廟如故永樂中改北平府學為國子監廟猶塑像成化十九年監臣祝瀾請易木主為周洪謨所斥嘉靖九年張璁復言宜用木主塑像宜毀于是禮臣議用木主仍擬大小尺寸著為定式

啓聖公木主高一尺四寸廣二寸六分厚五分座高二寸六分長四寸厚二寸赤地墨書於

大成殿後別立室以祀全

謹案弘治元年王恕請立祠祀
啟聖王不報正統二年裴侃言

聖父元己晉封請創殿于
大成殿西崇祀時止命行之闕里至是從張璁言

始建

啟聖祠于學宮焉

欽定國子監志卷十一

欽定四庫全書

欽定國子監志卷十二

祀位二

配饗從祀

大成殿四配位木主高一尺七寸寬四寸五分厚
五分赤地金書小座高三寸五分大座高一尺
五分東西連二龕合座龕高六尺五寸廣七尺
一寸深四尺三寸五分木座高一尺九寸廣一

丈四尺八寸深五尺五寸五分綠琉璃座高二尺三寸廣一丈六尺五寸深七尺

復聖顏子

漢永平十五年祠七十二弟子顏子位第一後世因之魏正始二年晉配

饗位唐貞觀二年稱先師總章元年贈太子少師太極元年贈太子太師開元二十七年封充公宋大中祥符二年封充國公元至順元年贈充國復聖公

述聖子思子

宋崇寧元年封沂水侯大觀二年從祀于左邱明二十一賢之間端

平二年升列十哲咸淳三年封沂國公晉配饗位元至順元年贈沂國述聖公

並西面北上

宗聖曾子

唐總章元年贈太子少保太極元年贈太子太保開元八年以曾子受孝

經特為塑像坐于十哲之次二十七年贈成伯宋大中祥符二年封瑕邱侯政和元年改封武

城侯淳祐二年晉配享位封郾國公元至順元年贈郾國宗聖公

亞聖孟子

宋元豐六年封郾國公七年晉配享位元至順元年贈郾國亞聖公

並東面北上

大成殿十二哲位木主高一尺四寸廣三寸五分

厚五分赤地金書小座高二寸五分大座高一

尺東西各連六龕合座龕高六尺二寸廣三尺

九寸五分深二尺八寸木座高一尺八寸廣二
丈三尺七寸深三尺九寸綠琉璃座高一尺八
寸五分廣二丈五尺五寸深五尺

先賢閔子

唐開元八年從祀二十七年封費
侯宋大中祥符二年封瑯琊公

先賢冉子

唐開元八年從祀二十七年封薛
侯宋大中祥符二年封下邳公

先賢端木子

唐開元八年從祀二十七年封黎
侯宋大中祥符二年封黎陽公咸

淳三年
改黎公

先賢仲子

唐開元八年從祀二十七年封衛侯
宋大中祥符二年封河內公成淳三

年改
衛公

先賢卜子

唐貞觀二十一年與左邱明等二十一人以經師從祀開元八年始以十

哲從祀二十七年封魏侯宋大中祥符二年封河東公咸淳三年改魏公

先賢有子

唐開元八年從祀二十七年封平陰侯咸淳三年大中祥符二年封平陰侯咸淳三年

年子思升四配衆議升有子為十哲不果明洪武二年崇仁訓導羅恢請升有子而黜宰我不報國朝初祀于東廡乾隆三年升十二哲

並西面北上

先賢冉子

唐開元八年從祀二十七年封鄆侯宋大中祥符二年封東平公咸淳三年

年改
鄭公

先賢宰子

唐開元八年從祀二十七年封齊侯
宋大中祥符二年封臨淄公咸淳三

年改
齊公

先賢冉子

唐開元八年從祀二十七年封徐侯
宋大中祥符二年封任城公咸淳三

年改
徐公

先賢言子

唐開元八年從祀二十七年封吳侯
宋大中祥符二年封丹陽公咸淳三

年改
吳公

先賢顓孫子

唐開元八年從祀二十七年封陳侯
宋大中祥符二年封宛邱侯政

和元年改潁川侯咸淳
三年封陳公升十哲

先賢朱子

宋淳祐元年從祀元至元二十二年
封齊國公明崇禎十五年稱為先賢

位在七十子之下漢唐諸儒之上
國朝康熙五十一年升為十一哲

並西序東嚮

謹案顏曾思孟四配定位始于宋咸淳三年蓋
前此止以顏子配也十哲之稱則始見于唐開
元八年命改十哲為坐像自唐以後皆沿舊制
宋端平二年以顏子既配祀

孔子不當復在十哲之列乃升子思子于哲位咸
淳三年子思子升列四配復升顏孫子於哲位
我

朝

聖祖仁皇帝以朱子註釋羣經闡發道理
孔孟之後有裨斯文功為宏鉅康熙五十一年

命廷臣詳議尊崇之典大學士遵議朱子配饗
孔廟本在東廡先賢之列應請升於

大成殿東序位次先賢卜子下
詔從之是為十一哲乾隆三年尚書徐元夢言

孔子偶思與難之賢記者誌之因號十哲宋代升
配子張

本朝又躋朱子是十哲名數並非其舊似可無拘
有子氣象大似聖人諸弟子常欲以事

孔子者事之有子宜升哲位時元夢并欲退冉有
宰我從祀兩廡而升南宮适子賤于堂上哲位

大學士鄂爾泰等議以冉宰兩賢
聖門高第佑饗千秋宜容輕議惟有子為游夏諸

賢所服孟子亦稱智足知聖從前未躋十哲似
為缺典應如所請南宮适子賤升哲之說似不

可從
上納其言于是移朱子神位于西序先賢顯孫子之

次而升有子神位于
大成殿東序先賢卜子之次是為十二哲云

大成殿兩廡從祀先賢先儒神位木主高一尺三寸六分廣三寸五分厚六分赤地墨書小座高二寸大座高七寸五分東廡連四龕十六座龕高五尺八寸廣二尺八寸深三尺木座高二尺六寸廣共一丈二尺深四尺一寸磚座高一尺二寸通廣二十丈一尺六寸深六尺五寸西廡

連四龕十五座又獨龕一座廣二尺八寸深二

尺二寸木座廣四尺深三尺二寸餘同東廡

先賢遽子瑗

唐開元二十七年從祀封衛伯宋大中祥符二年加內黃侯明嘉靖

九年改祀于鄉

國朝雍正

二年復祀為東廡先賢之首

先賢澹臺子滅明

唐開元二十七年從祀封江伯宋大中祥符二年加金鄉

侯

先賢原子憲

唐開元二十七年從祀封原伯宋大中祥符二年加任城侯

先賢南宮子适

唐開元二十七年從祀封郟伯宋大中祥符二年加襲邱侯政

和元年改
波陽侯

先賢商子瞿

唐開元二十七年從祀封蒙伯
宋大中祥符二年加須昌侯

先賢司馬子耕

唐開元二十七年從祀封向伯
宋大中祥符二年加楚邱侯政

和元年改
睢陽侯

先賢梁子鱣

唐開元二十七年從祀封趙伯
宋大中祥符二年加千乘侯

先賢冉子儒

唐開元二十七年從祀封杞伯
宋大中祥符二年加臨沂侯

先賢伯子虔

唐開元二十七年從祀封聊伯
宋大中祥符二年加沐陽侯

先賢冉子季

唐開元二十七年從祀封東平伯
宋大中祥符二年加諸城侯

先賢漆雕子徒父

唐開元二十七年從祀封須
句伯宋大中祥符二年加高

苑
侯

先賢漆雕子哆

唐開元二十七年從祀封武城
伯宋大中祥符二年加濮陽侯

先賢公西子赤

唐開元二十七年從祀封郕伯
宋大中祥符二年加鉅野侯

先賢任子不齊

唐開元二十七年從祀封任城
伯宋大中祥符二年加當陽侯

先賢公良子孺

唐開元二十七年從祀封東牟
伯宋大中祥符二年加平侯

先賢公肩子定

唐開元二十七年從祀封新田
伯宋大中祥符二年加梁父侯

先賢鄒子單

唐開元二十七年從祀封銅鞮伯
宋大中祥符中未經贈爵大觀四

年從議理局
言加聊城侯

先賢罕父子里

伯唐開元二十七年從祀封乘邱侯
伯宋大中祥符二年加祁鄉侯

先賢榮子旂

伯唐開元二十七年從祀封雋安侯
伯宋大中祥符二年加獻次侯

先賢左人子郢

伯唐開元二十七年從祀封臨淄侯
伯宋大中祥符二年加南華侯

先賢鄭子國

伯唐開元二十七年從祀封滎陽侯
伯宋大中祥符二年加胸山侯

先賢原子亢

伯唐開元二十七年從祀封萊蕪侯
伯宋大中祥符二年加樂平侯

先賢庶子潔

伯唐開元二十七年從祀封莒人侯
伯宋大中祥符二年加朐城侯

先賢叔仲子會

伯唐開元二十七年從祀封瑕邱侯
伯宋大中祥符二年加博平侯

先賢公西子與如

唐開元二十七年從祀封重
邱伯宋大中祥符二年加臨

侯 胸

先賢邾子異

唐開元二十七年從祀封平陸
伯宋大中祥符二年加高唐侯

先賢陳子亢

唐開元二十七年從祀封潁伯
宋大中祥符二年加南潁侯

先賢琴子張

唐開元二十七年從祀封南陵
伯宋大中祥符二年加潁邱侯

先賢步叔子乘

唐開元二十七年從祀封淳于
伯宋大中祥符二年加博昌侯

先賢秦子非

唐開元二十七年從祀封汧陽
伯宋大中祥符二年加華亭侯

先賢顏子噲

唐開元二十七年從祀封朱虛
伯宋大中祥符二年加濟陰侯

先賢顏子何

唐開元二十七年從祀封開陽伯
宋大中祥符二年加堂邑侯明嘉

靖九年因張璪之請停其從
祀國朝雍正二年復祀

先賢縣子亶

國朝雍正二年增祀

先賢樂正子克

宋政和五年封利國侯配饗
孟廟國朝雍正二年增祀

先賢萬子章

宋政和五年封博興伯從祀
孟廟國朝雍正二年增祀

先賢周子敦頤

宋淳祐元年從祀封汝南
伯元至順二年加豫國公

先賢程子顥

宋淳祐元年從祀封河南
伯元至順二年加豫國公

先賢邵子雍

宋咸淳三年從
祀封新安伯

右三十九人並東廡西面北上

先賢林子放

唐開元二十七年從祀封清河伯
宋大中祥符二年加長山侯明嘉

靖九年改祀于鄉
二年復祀為西廡先賢之首
國朝雍正

先賢宓子不齊

唐開元二十七年從祀封單伯
宋大中祥符二年加單父侯

先賢公冶子長

唐開元二十七年從祀封莒伯
宋大中祥符二年加高密侯

先賢公皙子哀

唐開元二十七年從祀封鄭伯
宋大中祥符二年加北海侯

先賢高子柴

唐開元二十七年從祀封共城侯
宋大中祥符二年加共城侯

先賢樊子須

唐開元二十七年從祀封樊伯
宋大中祥符二年加益都侯

先賢商子澤

唐開元二十七年從祀封睢陽伯
宋大中祥符二年加鄆平侯

先賢巫馬子施

唐開元二十七年從祀封鄆伯
宋大中祥符二年加東阿侯

先賢顏子辛

唐開元二十七年從祀封蕭伯
宋大中祥符二年加陽穀侯

先賢曹子邴

唐開元二十七年從祀封曹伯
宋大中祥符二年加上蔡侯

先賢公孫子龍

唐開元二十七年從祀封黃伯
宋大中祥符二年加枝江侯

先賢秦子商

唐開元二十七年從祀封上洛伯
宋大中祥符中未經贈爵大觀四

年從議禮局
言加馮翊侯

先賢顏子高

唐開元二十七年從祀封瑯琊伯
宋大中祥符二年加雷澤侯

先賢壤駟子赤

唐開元二十七年從祀封北海伯宋大中祥符二年加上邽侯

先賢石作子蜀

唐開元二十七年從祀封亢父伯宋大中祥符中未經贈爵大

觀四年從議禮局言加鉅平侯

先賢后子處

唐開元二十七年從祀封營邱伯宋大中祥符中未經贈爵大觀四

年從議禮局言加膠東侯

先賢奚容子歲

唐開元二十七年從祀封下邳伯宋大中祥符二年加濟陽侯

先賢顏子祖

唐開元二十七年從祀封臨沂伯宋大中祥符二年未經贈爵大觀

四年從議禮局言加富陽侯

先賢勾子井疆

唐開元二十七年從祀封淇陽侯

先賢秦子祖

唐開元二十七年從祀封少梁侯

先賢縣子成

唐開元二十七年從祀封鉅野侯

先賢公祖子句兹

唐開元二十七年從祀封期思伯

墨侯

先賢燕子伋

唐開元二十七年從祀封漁陽侯

先賢樂子欬

唐開元二十七年從祀封昌平侯

先賢狄子黑

唐開元二十七年從祀封臨濟侯

先賢孔子忠

唐開元二十七年從祀封汶陽侯
伯宋大中祥符二年加鄆陽侯

先賢公西子歲

唐開元二十七年從祀封祝阿侯
伯宋大中祥符二年加徐城侯

先賢顏子之僕

唐開元二十七年從祀封東武侯
伯宋大中祥符二年加宛句侯

先賢施子之常

唐開元二十七年從祀封乘氏侯
伯宋大中祥符二年加臨濮侯

先賢申子枏

唐開元二十七年從祀封魯伯
宋大中祥符二年加文登侯

先賢左邱子明

唐貞觀二十一年以經師從祀
宋大中祥符二年封瑕邱伯政

和六年改中都伯明崇
禎十五年稱為先賢

先賢秦子冉

唐開元二十七年從祀封彭衙伯
宋大中祥符二年加新息侯明嘉

靖九年國張璠言停其從祀
國朝雍正二年復祀

先賢牧子皮

二年增祀
國朝雍正

先賢公都子

宋政和五年封平陰伯從祀
孟廟國朝雍正二年增祀

先賢公孫子丑

宋政和五年封壽光伯從祀
孟廟國朝雍正二年增祀

先賢張子載

宋淳祐元年從祀封郿伯

先賢程子頤

宋淳祐元年從祀封伊陽伯
元至順二年加洛國公

右三十八人並西廡東面北上

先儒公羊子高

唐貞觀二十一年從祀宋
大中祥符二年封臨淄伯

先儒伏子勝

唐貞觀二十一年從祀宋大中祥符二年封乘氏伯

先儒董子仲舒

元至順元年從祀明洪武十九年封江都伯成化三年改廣

伯川

先儒后子蒼

明嘉靖九年從祀

先儒杜子子春

唐貞觀二十一年從祀宋大中祥符二年封緱氏伯

先儒諸葛子亮

國朝雍正二年增祀

先儒王子通

明嘉靖九年從祀

先儒范子仲淹

國朝康熙五十二年增祀

先儒歐陽子修

明嘉靖九年從祀

先儒楊子時

元至正二十二年封吳國公贈太師予祀於鄉明弘治八年從祀封

將樂伯

先儒羅子從彥

明萬曆四十二年從祀

先儒李子侗

元至正二十二年封越國公贈太師予祀於鄉明萬曆四十二年從

祀

先儒呂子祖謙

宋景定二年從祀封開封伯

先儒蔡子沈

元至正二十二年封榮國公贈太師謚文正加建國公明正統二年

從祀成化二年
封崇安伯

先儒陳子淳

二年 國朝雍正
增祀

先儒魏子了翁

二年 國朝雍正
增祀

先儒王子柏

二年 國朝雍正
增祀

先儒趙子復

二年 國朝雍正
增祀

先儒許子謙

二年 國朝雍正
增祀

先儒吳子澄

明正統八年從祀
靖九年周張璵言停其從祀
國嘉

朝乾隆二年
復祀

先儒胡子居仁

明隆慶十二年從祀

先儒王子守仁

明萬曆十二年從祀

先儒羅子欽順

國朝雍正二年增祀

右二十三人並東廡西面北上

先儒穀梁子赤

唐貞觀二十一年從祀
宋大中祥符二年封襲邱伯政和元年

改雕
陽伯

先儒高堂子生

唐貞觀二十一年從祀
宋大中祥符二年封萊蕪伯

先儒孔子安國

唐貞觀二十一年從祀
宋大中祥符二年封曲阜伯

先儒毛子萇

唐貞觀二十一年從祀宋大中祥符二年封樂壽伯

先儒鄭子康成

唐貞觀二十一年從祀宋大中祥符二年封高密伯明嘉靖九年

年改祀於鄉
雍正二年復祀

國朝

先儒范子甯

唐貞觀二十一年封高密伯明嘉靖九年改

祀于鄉
雍正二年復祀

國朝

先儒韓子愈

宋元豐七年從祀封昌黎伯

先儒胡子瑗

明嘉靖九年從祀

先儒司馬子光

宋咸淳三年從祀

先儒尹子淳

二年國朝雍正增祀

先儒胡子安國

元至正二十二年封建國公贈太師予祀于鄉明正統二年從

祀成化三年封建寧伯

先儒張子栻

宋景定二年從祀封華陽伯

先儒陸子九淵

明嘉靖九年從祀

先儒黃子幹

二國朝雍正增祀

先儒真子德秀

元至正二十二年封建國公予祀于鄉明正統二年從祀成化

二年封浦城伯

先儒何子基

二年國朝雍正增祀

先儒陳子濬

二年國朝雍正增祀

先儒金子履祥

二年國朝雍正增祀

先儒許子衡

元皇慶二年從祀

先儒薛子瑄

明隆慶二年從祀

先儒陳子獻章

明萬曆十二年從祀

先儒蔡子清

二年國朝雍正增祀

先儒陸子隴其

國朝康熙間御史雍正二年
世宗憲皇帝詔增入

文廟從祀乾隆元年賜謚曰清獻是時禮部奏應照謚號給銀建立石碑隴其御史秩五

品會典內無五品碑價例因

贈官內閣學士兼侍郎

右二十三人並西廡東面北上

謹案從祀諸賢唐迄宋初並列殿上至政和二年從祀新儀成殿上惟祀配位哲位諸弟子及先儒分列東西舍是為兩廡從祀之始明易像為主自四配以下均去封爵概稱先賢先儒而位次或進或退歷朝沿革不一國朝監于前代于祀位尤多所增復康熙五十四

年

聖祖仁皇帝允部臣議覆學政余正請以范仲淹學問

精純宜從祀西廡先儒韓愈之次雍正二年世宗憲皇帝命增復祔饗先賢先儒于是廷臣集議宜

復祀先賢遠瑗林放秦冉顏何四人增祀先賢
牧皮縣盧樂正子萬章公都子公孫丑六人復
祀先儒漢鄭康成范甯二人增祀先儒漢諸亮
亮宋尹淳黃幹陳淳魏了翁何基王柏陳澔元
趙復金履祥許謙明蔡清羅欽順及
本朝陸隴其共十四人又以先賢先儒位次闕里
及直省各學俱以時代為序惟國子監向分先
賢先儒為序因通行直省悉依國子監序列乾
隆二年尚書甘汝來請復吳澄從祀禮部議准
位次先儒趙復之下十八年

皇上復命廷臣考据史傳于先賢先儒分列之中復
按年序次二十九年監臣奏言先賢哲位配享
殿上者例不書名所以別于兩廡從祀賢儒也乾
隆三年升祔有子神牌未經更止請改稱有子

而不書名得
旨允行遂為定制今欽遵

欽定位次詳錄于左并備注歷代封爵及從祀先後
于下以備參攷焉

崇聖祠四配神位木主高一尺四寸廣三寸五分
厚五分赤地金書東西連二龕合座龕高六尺
二寸廣四尺三寸深二尺七寸木座高二尺七
寸五分廣九尺一寸深三尺七寸碑座高二尺
七寸廣一丈二寸深四尺九寸

先賢顏氏無繇

唐開元二十七年從祀孔廟
封祀伯宋大中祥符二年加曲

阜侯元元統二年贈祀國文裕公夫人齊姜氏
為祀國端獻夫人明嘉靖九年配享啟聖祠

先賢孔氏伯魚

宋崇寧元年封泗水侯咸淳三年從祀孔廟位顏嚮下明嘉

靖九年配享

啟聖祠

並西面北上

先賢曾氏點

唐開元二十七年從祀孔廟封宿伯宋大中祥符二年加萊蕪侯

明嘉靖九年配享
啟聖祠

先賢孟孫氏

元延祐三年封孟子父為邾國公母為宣獻夫人明嘉靖九年配享

祠
啟聖

並東面北上

崇聖祠兩廡從祀主高一尺三寸六分廣三寸五
分厚六分赤地墨書東連二龕一座獨龕一座
龕高五尺八寸廣四尺三寸深二尺七寸木座
高二尺四寸廣連座九尺獨座四尺八寸深三
尺七寸磚座高一尺二寸五分廣二丈二尺深
五尺西連二龕一座制如東廡磚座廣一丈高
深制如東廡

先儒周輔成

明萬曆二十三年
從祀 啟聖祠

先儒程珦

明嘉靖九年從祀
啟聖祠

先儒蔡元定

明嘉靖九年從祀
啟聖祠

並東廡西面北上

先儒張迪

增祀
國朝雍正二年崇聖祠

先儒朱松

元至正二十二年追謚獻封齊國公
明嘉靖九年從祀
啟聖祠

並西廡東面北上

謹案明嘉靖中始定以周程蔡朱四子之父從祀

啟聖祠

國朝因之雍正二年改祠名曰

崇聖

命諸臣集議四子之外有可升祔

崇聖者廷臣言橫渠張子之父迪宜增入從祀乃祀於

崇聖祠西廡朱松之上

土地祠正中神龕一龕中塑像一木主題曰國子監土地之位

配饗從祀

附

元

皇慶二年夏六月甲申以宋儒周敦頤程顥

弟頤張載邵雍司馬光朱熹張栻呂祖謙及故

中書左丞許衡從祀

孔子廟廷

元史仁宗紀

謹案周子等九人南宋俱經詔祀而復有是命者以元初制未祀也

延祐三年秋七月詔春秋釋奠於

先聖以顏子曾子子思孟子配饗

元史祭祀志

謹案曾子子思子南宋咸淳間雖躋配位而元初未用其制至是御史中丞趙世延言南北祭祀不宜有異故有是詔

至正十九年十一月浙江行省照磨胡瑜言揚
時親得程門之傳李侗傳河洛之學以授朱子
胡安國羽翼春秋蔡沈從學朱子發明書義真
德秀博學窮經踐履篤實俱應錫爵從祀

廟廷二十一年七月下禮部及三院議至二十二
年八月禮部定五先生俱贈太師不予從祀

元史

祭祀
志

明

宣德三年命禮部考正從祀先賢名位頒示天

下從四川萬縣訓導李譯言也

明史禮志

謹案學典載此事于宣德元年云山東德平縣訓導年富言儒學

文廟哲廡或置木牌或為塑像或封爵差訛或位次未序甚者闕而不置請依洪武定例重校刊布未知孰是

正統元年夏閏六月丁卯正兩廡從祀名爵位

次頒圖于天下學校

南雍志

謹案學典從忠州學訓導宋廣言也

正統八年湖廣慈利縣教諭蔣明言吳澄不下

許衡請予從祀下大學士楊士奇議行之

明史禮志

成化二年春正月追封從祀諸儒未有爵者

南雍

志

謹案學典作三年六月從學士商輅之請令遵明史作是月追封者董仲舒胡安國蔡沈真德秀四人也

成化三年二月浙江按察司僉事辛訪請以何基王柏金履祥許謙從祀下部議祀於鄉又六

月侍讀學士劉定之以陳澔有功禮記請從祀

不允

學典

弘治八年秋七月丁亥封宋儒楊時將樂伯從

祀

孔子廟庭

明史孝宗紀

謹案春明夢餘錄作正統八年八月闕里文獻
考作弘治九年者皆訛時祭酒謝鐸言楊時廢
安石有功宜予從祀禮部尚書傅瀚沮之大學
士徐溥力主鐸議乃祀于司馬光之次

嘉靖九年四配神位改用木主高一尺五寸廣

三寸二分厚五分座高四寸長六寸厚二寸八
分赤地墨書題曰復聖顏子宗聖曾子述聖子
思子亞聖孟子十哲神位木主高一尺四寸廣
二寸六分厚五分座高二寸六分長四寸厚二
寸赤地墨書題曰先賢某子某兩廡從祀先賢
主同先儒主高尺三寸四分廣二寸三分厚四
分座高二寸六分長四寸厚二寸赤地墨書題

曰先儒某子某去一切封爵

明史
禮志

證案此改題神位之始

又罷公伯寮秦冉顏何荀況戴聖劉向賈逵馬

融何休王肅王弼杜預吳澄從祀

明史禮志

謹案洪武元年羅恢言公伯寮不宜從祀不報
四年司業宋濂請黜荀況揚雄王弼賈逵杜預
馬融從祀不允弘治元年八月科臣張九功言
荀況馬融王弼揚雄得罪名教宜黜為禮官周
洪謨所却翰林院侍讀學士程敏政亦言馬融
劉向賈逵王弼何休戴聖王肅杜預八人雖有
訓話行不足稱公伯寮秦冉顏何與遽瑗林放
家語不載皆宜罷祀下禮部議侍郎倪岳言王
弼之徒立身雖有可議然六經煨燼賴其講授
經得復存七十二子名字自司馬遷來相沿已

久不可輕議十二年科臣吳英中亦請罷公伯
察馬融范甯荀况王弼之祀祭酒謝鐸又言吳
澄不當從祀尚書傅瀚力詆之正德元年何孟
春又言公伯察遽伯玉不當從祀部議駁之至
是大學士張璁緣帝意請正祀典下諸臣會議
乃罷十三人從祀

又祀林放遽瑗盧植鄭衆鄭康成服虔范甯於

鄉全

謹案弘治元年程敏政請祀鄭衆盧植鄭康成
服虔范甯五人于鄉遽瑗亦宜祀于衛林放祀
於魯張九功亦請罷瑗祀為周洪謨所却至是
張璁請祀林放七人於鄉下諸臣議行

又以申黨即申張釐去其一全

謹案正德元年七月何孟春言史記有申黨家語有申續而皆字子周則續即黨也通典開元贈爵有申振論語釋文鄭康成曰申振蓋申續史記云申崇今崇為黨續為續訛寫無疑後漢王政碑云無申崇之欲是以振為崇也索隱謂文翁國有黨無根是以黨為振也二申並祀不已肅乎議上不允至是張璠言申振宜去諸臣集議去黨而存根焉

又增后蒼王通歐陽修胡瑗從祀

上全

謹案洪武初王禕請歐陽修從祀不允弘治元年八月程敏政言后蒼有功于禮宜與王通胡瑗二人加爵從祀張九功亦言之為周洪謨所却至是張璠請四人與蔡元定從祀部議停蔡而祀四人焉

又進陸九淵從祀

全

謹案弘治十二年科臣吳英中請祀九淵於鄉至是從行人薛侃請從祀

孔廟

隆慶五年以薛瑄從祀

全

謹案弘治元年張九功請以瑄從祀詔祀于鄉嘉靖十九年御史楊瞻樊得仁又請從祀童承叙郭希顏沮之至是給事中韓楫御史馬三樂等交章請祀乃祀于呂祖謙下明史薛瑄傳作

六年

萬曆十二年十一月以王守仁陳獻章胡居仁

從祀

學典

謹案先是言官屢請以三人從祀惟居仁衆議無異獻章守仁與論不一禮臣陸樹聲持之甚力陶大臨議不能奪至是禮臣沈鯉請獨祀居仁而大學士申時行等內主守仁揭薦遂令三人併祀

萬厯四十二年詔以羅從彥李侗從祀

歷代祀典

謹案學典先是三十七年福建學臣熊尚文請以二人從祀部議從之上命翰林院詹事府覆議至是始決羅祀東廡位朱子下李祀西廡位南軒上闕里文獻考作四十七年從福建巡撫丁繼宗之請

崇禎十五年改左邱明稱先賢

明史禮志

又改宋儒周敦頤程顥程頤朱熹邵雍張載六

子稱先賢位七十子下漢唐諸儒上

明史禮志

謹案弘治十二年四月科臣楊廣請以宋五儒與

聖門諸子接席于兩廡間起荀況等而處其上部
議駁之至是詔議進六子之位僅於太學更置
闕里廟庭及天下學宮未遑頒行也春明夢餘
錄載是年十月部議以六子及董仲舒王通俱
稱先賢禮志止稱六子不及仲舒通當從明史

以上俱

大成殿兩廡配饗從祀

嘉靖九年定

大成殿後別立室祀

聖父叔梁紇以顏無繇曾點孔鯉孟孫氏配稱先
賢某氏以程珦朱松蔡元定從祀稱先儒某氏

全上

謹案此

聖父配饗從祀之始先是宋洪邁元姚燧皆言顏
路曾皙孔鯉廟庭之列次為失倫熊禾亦嘗建
議宜別立一室以

齊國公居中南面顏路曾點孔鯉孟孫氏侑食之
明洪武初宋濂王禕言顏子曾子子思配於殿
而父坐庭廡子雖齊聖不宜先父解縉謝鐸程
敏政先後言之皆不果行正統三年裴侃言
文廟惟論傳道家廟宜正父子名分不正神不自
安

聖父元已進封
啟聖王請創殿於

大成殿西崇祀而顏孟之父俱封公惟伯魚子皙
仍侯乞追封公爵脩顏孟之父俱配

啟聖王殿帝命行之
闕里仍議加伯魚子皙封號至是大學士張璁請

於
大成殿後別立一室祀

聖父而以諸賢父配饗從祀詔可明年
啟聖祠成從尚書李時言

啟聖公祀儀視四配東西配位視十哲從祀視兩廡各列位次奉祀

萬厯二十三年以宋儒周敦頤父輔成從祀

啟聖祠

明史禮志

謹案從湖廣巡撫郭惟賢請祀於東廡先儒程珦之上

以上俱

啟聖祠兩廡配饗從祀

欽定國子監志卷十二